



IZVJEŠTAJ O RADU I PROVEDENIM IZBORIMA OPĆINSKE IZBORNE KOMISIJE ILIDŽA ZA 2020. GODINU





I. Redovnost održavanja sjednica

Općinska izborna komisija Ilidža od dana objave izbora donijela Odluku o održavanju javnih sjednica svakog ponedjeljka, te su održane 34 redovne sjednice. Svi članovi OIK-a redovno su prisustvovali sjednicama.

Pored ovih sjednica OIK se svakodnevno sastajala radi rješavanja tekućih pitanja i prispjelih dopisa od strane CIK-a i pripreme izbora kako radnim danima tako i vikendom.

OIK Ilidža je donijela ukupno 335 odluka.

II. Osiguranje finansijskih i materijalno-tehničkih sredstava i prostora

Općinska izborna komisija Ilidža izradila je Prijedlog finansijskog plana za provođenje Lokalnih izbora 2020. godine, a koje je kroz budžet usvojilo Općinsko vijeće. Ovim Planom predvidjeli smo finansijska sredstva za sve aktivnosti i materijalno-tehnička sredstva koja su nam potrebna za provođenje izbora. Planiranim sredstvima a na prijedlog CIK-a povećana je naknada za biračke odbore od 40 do 50%.

OIK Ilidža posjeduje adekvatan prostor za rad koji se nalazi u zgradi Općine Ilidža.

III. Stepen saradnje i podrške tijela lokalne vlasti

OIK Ilidža ima stalnu podršku i pomoć tijela lokalnih vlasti što nam je u velikoj mjeri pomagalo u provođenju izbora.

IV. Biračka mjesta, birački odbori i informisanje javnosti

Sva biračka mjesta na području općine Ilidža zadovoljavaju uslove za glasanje u smislu prostora, opreme, prilaza i dr. s obzirom da su ista smještena u prostorijama škola.

Birački odbori su pravovremeno imenovani i obučeni, ali napominjemo da je zbog velikog broja odustanaka članova biračkih odbora OIK Ilidža bila prinuđena organizovati dodatne obuke i naknadno više puta vršiti izmjene rješenja o imenovanju biračkih odbora.

Centar za birački spisak obezbjedio je javni uvid u birački spisak, a radi provjere njihovih podataka u biračkom spisku ili vršenja eventualnih ispravki ili dopuna tih podataka kod





nadležnih organa kao i registraciju i preregistraciju birača. U periodu izlaganja Privremenog biračkog spiska Centar za birački spisak radio je produženo u vremenu od 8,00 – 18,00 sati.

Općinska izborna komisija Ilidža je o svim izbornim aktivnostima, a posebno onim koji se tiču građana/birača, iste informisala putem oglasne ploče, mjesnih zajednica i web stranice Općine.

V. Objedinjavanje izbornih rezultata

Općinska izborna komisija Ilidža je u najkraćem roku prikupila pojedinačne rezultate sa biračkih mjesta, iste objedinila te unijela u JIIS, te dostavila orginalne obrasce sa biračkih mjesta Centralnoj izbornoj komisiji BiH.

OIK Ilidža je postupila po Naredbi Centralne izborne komisije BiH broj: 05-1-07-1-1210/20 od 16.11.2020. godine kojom se nalaže svim izbornim komisijama u BiH da u skladu sa članom 5.27 Izbornog zakona Bosne i Hercegovine pravilno utvrde rezultate izbora na području svoje općine/grada na svim redovnim biračkim mjestima na kojima birački odbor nije pravilno utvrdio izborne rezultate. U skladu sa članom 62. stav (2) Pravilnika o provođenju izbora u BiH postupila je u 14 slučajeva.

VI. Prijem i rješavanje po prigovorima

OIK Ilidža je zaprimila 6 prigovora, koji su se odnosili na član 24a. Pravilnika o provođenju izbora i član 16.14 Izbornog zakona.

VII. Saradnja sa Centralnom izbornom komisijom

U toku izbornog procesa OIK Ilidža je imala dobru i korektnu saradnju sa Centralnom izbornom komisijom, koordinatorima, call centrom, kontrolorima za unos i obradu rezultata i drugima.

VIII. Poteškoće u radu biračkih odbora i prijedlozi za unapređenje i poboljšanje izbornog procesa

OIK nije u potpunosti zadovoljna radom biračkih odbora zbog velikog broja članova koji su prvi put radili u biračkom odboru, uticaja političkih subjekata na njihov rad i zbog velikog broja predloženih članova koji su odustali od rada pa čak i na sam dan izbora.

Dodatna otežavajuća okolnost je predstavljala pandemija COVID-19.

IX. Ocjena rada Centra za birački spisak





U radu OIK-a veliku pomoć pružio je Centar za birački spisak. Pored obaveza propisanih Pravilnikom o vođenju i upotrebi centralnog biračkog spiska provodio je i aktivnosti na poboljšanju provođenja izbora (ažuriranje umrlih u saradnji sa matičnim uredom i IDEEA, a u cilju sprečavanja mogućnosti da se umrli nađu na biračkom spisku). CBS je redovno izvještavao Centralnu izbornu komisiju BiH, blagovremeno obavještavala Općinsku izbornu komisiju o svim aktivnostima kao i druge sudionike koje učestvuju u realizaciji izbornog procesa. Aktivno učestvovala u svim sgementima izbornog procesa.

Rad Centra za birački spisak ocjenjujemo kao naročito uspješan i profesionalan.

PREDSJEDNIK

Mulaosmanović Dino, dipl.pravnik

Broj: 16/2021
Ilidža, 02.04.2021. godine.



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKA IZBORNA KOMISIJA



BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPAL ELECTION COMMISSION



*Butmirska cesta br. 12. Sarajevo, BiH, tel. +387 33 775-617, centrala 775-600,
Općinska izborna komisija tel: +387 33 763 465, fax: +387 33 763 466
E-mail: oikilidza@outlook.com*

